


[www.BibleForChildren.org](http://www.BibleForChildren.org)

# Matiu 26



Nigr badr Jiszs  
sc tqyzlupekr  
Betzni, mztea nyz  
Lasarus kc  
tqatulz-mople mz nzbz-krde.  
Mzli lc ycbe zbq esz'mz,  
x Nzamyangr kc  
tzakaputrpemlr.  
Zbz Mxri twzmlc kc botol  
ngr tolo kx narnabr ngrde lqlwx x  
mnrte mrlz zlwz. X mz nzamatq-krde  
Jiszs, sc tqaelupebzle nanyc Jiszs x amingrtibzle  
mz nqnginarde. X mnrte lvabqpe mz nabz ma kc.



Judz Iskariot nide kzdq ncblo neng Jiszs kcong  
nzpnu-esz'-nrade-li (12). Vzبز mz kxnzetu rdr pris mz  
nzamwa-krbzle Jiszs badr. Kxnzxlrlr  
da lc, nzabrtztng x nzrpibzlr  
naxpebzlr Jiszs bade. Zبز  
Judzs sc tqrtangrtipele mzli  
kxmrlz kx na-aprc-ngrbzle  
Jiszs badr.




Kzdung kztegrng nzalelr da kc  
tqpibzle badr mz nzoliqti-krdr  
Nzamyangr. Mzli kc tqmube-ngrgr,  
Jiszs kalzmlc bret. Awitx-ngrbzle mz  
Gct, lopxile, kamle bagr x rpimle kx,  
“Twzamu x ngqnamu murde krlc ncvr  
drtqnge.” Zbz glqlzmlc kap.

Awitx-ngrbzle mz Gct, kamle bagr x  
rpimle bagr kx, “Mnqamu amrlx  
ngrmu. Murde krlc  
mepyr rnge kc  
tqyrlepx-ngrde leplz  
kxkqlu, mz  
Nzesz'tikr Drtwr Gct  
badr leplz, mz  
nzippqx-krde alwx ngrdr.”



Rpibz Jiszs mz Pita kx, “Saemon! Saemon! Nakrlzq  
kx Setzn pibzle mz Gct nakabzle bade zmatq mz  
nzatalz-krde nimu mz nzabao-krbzle nzrlxngiti-krmu  
nimu amrlx ngrmu. X rlr-ngrbzle. A' krka'pe-ngrne nim,  
kx Saemon, kx nzrlxngiti-krm bzkq yrkrpxbz.”



“X mzli kc nao-lxlvrti-mou-ngrme ninge, axplrti-mopwz  
nzrlxngitkr mzlemqng.” Rpibz Pita kx, “Kxetu rnge,  
oliqtipex nzvz-krigi mz presin x mz nzbzmi-krnge nim!”  
Rpibz Jiszs kx, “Napibo bam, kx Pita, mzli kc kio  
trnakya'ka-ngrde koma mz nrckxbq, sa narpiq kx  
trkrlzwq ninge nzwrde natq.”



Zbz vzokr badr Jiszs  
krlzbzkr kzdq nrlc drtqde  
Getsemzni. Jiszs rpimle  
bagr kx, “Wxbupwzmu  
mrka mzli kc  
nakrka'-ngrne mrkc.”  
Rpile kx, “Abba! Trte!  
Rngiscm zmatq ngr  
nzalengr da amrlx. Trsutiu  
drtwrnge nzrlrpx-lzbq-krnge  
mz nzetqkr drtqnge  
x nzbzngr. A' bzkq vz-nqblqq  
me pnz drtwrnge, a' nangi zvz  
me pnz drtwrm.”



Zbz, sc tqvzmipebz Judzs kcng dzbe ncblo nzling. Kzdq dzbede lc ngi ncblo ngr vea ne Rom x kzdq kz ngi pulis ngr Mangr-nzangiongr. Ncblo lcng nzatwzlrpxngr kxnzetu rdr pris x Farzsi. Nzngxlunebzng mz dxpu x lam, x nzrtwzbzng toki r vea x dalr nzotangr. X kzdq nidr yrlobzle toki r vea kc mz kxnzawz-nrbalq ne Nardr Pris, x lakipxbzle nradrtqde kxrtc. A' rpibz Jiszs kx, "Mrlzpe!" Maletxtrpzle nradrtq ncblo kc x amrlztxbzle.



Zbz nzlolvzlr Jiszs x sc tzvzmipelr x nzdwamitr lr mz ma  
nyz Nardr Pris kc. Pita kc tqvznebz-rlru mz nibdr.  
Pulis ngr Mangr-nzangiongr  
nztelvzlr kc nyr mz makoa  
ngr ma kc. X Pita prtrpz  
mz krkcng  
tzwxbu-ngalelvzlr nyr kc.



Kzdz kxnzawz-nrbalq ne  
Nardr Pris, mzlede krkc  
tqlakipxbz Pita  
nrardtqde, rpibzle mz  
Pita kx, “Da zpwxtx nim  
dq kz, murde nim kc  
tqmcx mz nrlanc.” A' Pita  
pokia-mopwz, rpibzle kx,  
“Trtxpnzngr! Trnipwc'u la tqpiq.”  
X mzli kcpwz kio kc tqkya'pe kz,  
da kc tqwai nzpi-pnzkr Jiszs le.  
Zbz Pita vzpxm mrkc tzlalvztr  
sc tqyrnitxpe, bztitxde nzyrningr,  
murde drtwrde vztz atwrnrngr.




Dzbe ncblo kcng atwrnrngr  
tzyrlwr-lxblrng mz Kansrl nyzdr Ir Jiu,  
nztulzmqng, sc tzvzmipebzlr Jiszs mz  
Paelzt, Ir Rom kc tqaclvele Judiz.  
Paelzt veabz mz Jiszs, rpibzle kx,  
“?Myx kxmule, nim king  
r Ir Jiu?” Rpibzle kx, “Sa  
tqplzpxpeq kx ninge.”  
Paelzt rpile na-arlapxle Jiszs,  
bzkq nznibq. Zbz sc

tqycmnepxpe-mopwz badr,  
murde na-aopx-ngrbz mztr.

A' sc tzkabong ye. Tzrpibzlr kx,  
“Natqlvztr mz kros! Natqlvztr  
mz kros!”




Zbz, Paelzt sc tqmetxpebz badr, x sc  
tqrpipebzle mz ncblo ngr vea nedeng  
kx natqlvztrlr Jiszs mz kros. Mz  
nzmu-krde lcde, ncblo ngr vea kcng  
nzkamilzmlr Jiszs Jerusalem. X sc  
tzrtulrtrpe-ngrbzlr nzrglq-krde kros  
ngrde mrkc natqlvztr-ngrdr nide. X  
glqbzle mz newz kc tzrpibz Bekrlz,  
murde nzobq-krde apule bekriz. Drtqde  
mz natq lr Jiu Gclgata.



X mrlcde, sc tzaopxpebzlr  
lrpz scde x tztqlvztrpelr nide  
mz kros. X nztqlvztr-kzlr  
ncblo kxnztrkang nzling  
taplxsr nrlar Jiszs.



Mzli kc tqtavauo-ngrm nepi, nzlo akqlvztx-pnzle nrlc  
atwrnrngr krlzbzle nabznepi kc tqtq. X lotqbr kc  
tqdopxm Mangr-nzangiongr Yawe nzpesali ncte li.  
Jiszs kqtxpxbz mz Gct mz natqde  
kxetu, rpibzle kx, “Trtenge!  
Aprcbo mqngrnge mz mqm!  
X sc tqbzpe.”



Zbqkranzlvqn ngi zbq ngr nzoliqtikr lr  
Jiu mz Sabat. Sabat yzutr mzli kc  
tqtaopengr nepi. Josip kc  
Arimatia trmwxlru, vzbz mz  
Paelzt x sc tqrlxtipebzle  
nrkrdrdq Jiszs mz  
nzyrtzmq-krdele.  
Josip lc nide  
kzdq kxetu mz

Kansrl nyzdr  
lr Jiu. X tqobqtipxle  
mzli kc Kxnzmcpix ne  
Gct nangini-ngrde  
King r lr Jiu. Zbz Josip  
xpele kc  
Irpz kxprki.



Kaomle namz ngr Jiszs  
mz kros, x sc tqbxtipele  
lrpz kc, mz nzvz-nqblq-krde  
nqmq kr lr Jiu x sc  
tqglqtr-anipele mz  
gq lr kxbz kx  
nzekqtitr  
mz butqbr.

Mrlz, sc  
tqalqlitrpebzle kc  
rplz kxetu kx  
nzapqbrtr-ngrbzle  
naonrx ngr  
butqbr kc.



Zbq kc navz-mop ngi Sabat. X kxnzetu  
rdr pris x Farzsi nzvzbzng  
mz Paelzt. Nzrpibzlr  
bade kx, “Kxetu, dcpx mz  
drtwrgr mzli kc tqlubengr  
blzpokia kc, rpile kx,  
‘Zbq naotx natq, x  
ninge kc  
tqlupe-mopwc’.”



“Zbz sc tzvzpeng x tzamqngitrpelr butqbr  
mz nzamnc-krdr ncblo ngr vea kcng  
mz nzaukz-krdr elr, x mz  
nzayrlenitrngr kadol mrkc  
tqmwitnrngr rplz kc mz  
butqbr kc. Murde  
nakrlz-ngdrdr kx  
rlvxtrpe kc naonrx  
mz nzmrglckr dalr  
kadol kc.”



Mz nibr Sabat kc, mz nourla kxtopwz  
mz Sade, Mxri kc Makdala  
x kzdq kz Mxri nzvzng mz  
nzoklati-krdr butqbr kc  
tzyrtzmqngr Jiszs.

Zbz kzdq enjrl ne Gct  
vzom Heven,  
vzmim nengq  
kxetu.

Vztr mz  
butqbr kc, x sc  
tqalqlipxpele  
rplz kc etu  
tzapqbrtrngr  
naonrx kc, x sc  
tqwxbuopem elr.



Ncblo kcng tzaukzng nzmwxlrng  
x nznrcti-lzbqng x nztaong  
mz drtc' nzapulr ncblo  
kxnbzpeng.



Enjrl kc rpibzle mz olvz kcng kx,  
“Bzkq mwxlramu. Krlzpebo kx  
rtangrtiamu Jiszs kc tztqlvztr  
mz kros. Tryrbqpeu mrka,  
murde lupe mou, da kc  
tqwai nzpi-krbzlele  
bamu. Vzمامu x  
mc-zpwxamu mrkc  
tzayrbqngr namz  
ngrde.”



Zbz olvz kcng sc tznglr-anipeng mz  
nzpi-krmlrle bagr. Kxmule-esz'  
nzmwxlr Beng, a' drtwrdr  
elalz-zlwz-kzp. A' mz  
nzvz-krdr, nzpwrkilvc-ngrdr  
nzadcpX-lzbq-krbz Jiszs badr.  
X sc tqrpibezle badr kx,  
“Nimu Ia!” Nzvzmqng x

nzyrngzobzng bade, x  
nzmaletpZlr nanycde,  
mz nzangio-krdr nide.



Mz nibrde Jiszs adcpX-lzbq-kzpz mz ncblo kcng  
nznpu-esz'-nrade-esz' (11) mz nzmu-krdr. X ycmnetxbz  
badr, murde trnzbr-kru drtwrdr, x nzmqngikr nardr,  
x trnzlxngiti-krdru leplz kcng tzmclr nide mz nibr  
nztulz-krmlc mz nzbz-krde. Mz nibr nzycmne-krbz  
Kxetu Jiszs badr, sc tqavzdzpe Gct Heven. X  
wxbutxom me matq mz nrlar Gct kxrtc.



Da zpwx. Gct atwzlr-ngrmle Mrlxde kc  
esz'txu murde nzmrlzti-zlwzle lr nrlc.  
Murde krkcng tzlxngitilr mrlxde  
trtxpnzngr nzbz-alo-krdr,  
a' sa narmctilr nzlungr kxboi.



Rom 3:23 Murde leplz amrlx nztaong mz alwx x  
trnzyatrpwzu nzvz-nqblq-krdr nqm q kxmrlz kxtr kc tqyrlqzbz  
Gct badr.

Rom 6:23 Nzrmabztitrngr alwx, natutr-ngrde mz nzbzngr. A'  
Gct ka-nrbalqzbzle nzlungr kxboi mz leplz kcng tzaxvctrpzng  
mz Kxetu rgu Mevalu Jiszs.

Hibru 9:27 Leplz amrlx nzbz-krdr nzwrde esz'txu. X mz  
nibrde, sc tqpipebz Gct badr, krkcng tzvz-rbrng x krkcng  
tztubqng, murde krlc vz-nqblqle me pnz drtwrde.

Efisz 2:8,9 Murde nzrlapx-krmu vzpxm mz zmrlz ngr Gct  
kxmyalz, mz nzokatr-krde nimu mz nzabrtr-krbz drtwrmu  
mz Kraes. A' nzrlapxngr lc trvzpxpuu mz nimu esz'-krmu.

A' Gct kx rka-nrbalqzbz bamu, murde ma  
tqglqpx-lzbq-ngrnamu kx wz-ngrnamu da lc mz zmatq  
ngrmu esz'-krmu.



Rom 10:9,10 Murde doa kx naplzpule mz naode kx, “Jiszs nide Kxetu Kxmyalz-esz'ngr,” x lxngiti-angidr-kzle mz nabzde kx Gct atulz-mople Jiszs mz nzbzngr, doa la sa na-arlapx. Murde mz nzplzpx-krqu nzlxngiti-angidr-krqu Kraes, tubqku mz nzobqkr Gct x sa na-arlapule nigu.

Jon 3:16,17 Da zpwx. Gct atwzlr-ngrmle Mrlxde kc esz'txu murde nzmrlzti-zlwzle lr nrlc. Murde krkcng tzlxngitilr mrlxde trtxpnzngr nzbz-alo-krdr, a' sa narmctilr nzlungr kxboi. Tratzwzlr-ngrpou Gct Mrlxde mz nrlc mz nzayrplapx-krde lr nrlc, a' mz nzarlapx-krde nidr mz nzayrplapxngr mz alwx.



1 Jon 5:11-13 Natq Gct nide sele. Gct sc tqkamle bagu nzlungr kxboi kc tqvzpxm mz Mrlxde. Krkc tqlxngitile Mrlx Gct rmctile nzlungr kxboi, a' krkc tqpxtpx-ngrde Mrlxde trprtrpepzu mz nzlungr lc. X yrbo da lcng amrlx bamu, murde sc tqlxngitipeamu kx Jiszs nide Mrlx Gct. X suti drtwrnge kx nakrlz-kzamu kx sc tqrmctipeamu nzlungr kxboi.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Natugu NT (ntu) © 2008, Wycliffe Bible Translators, Inc. All  
rights reserved.

<https://www.bible.com/en-GB/bible/1908/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

